



UNIVERSITÄTS-
BIBLIOTHEK
PADERBORN

Waerchtighe Historie Van de Martelaers Van Gorcom

Estius, Wilhelm

Antwerpen, 1604

Capittel X. Hoe de Gardiaen ende de Vicarius van der Gouw met Lumme
ghevaeren zijn.

[urn:nbn:de:hbz:466:1-64552](https://nbn-resolving.org/urn:nbn:de:hbz:466:1-64552)

CAPITTEL X.

Hoe de Gardiaen ende de Vicarius van der Gouw
met Lumme ghevaeren zijn.

Alle dese dingen wierden bedreuen aller-meest
op den voet van den Graue van Lumme.
Want hy oock selue te dier tijdt naer der Gouw
ghetrocken is om de tyrannie te voorderen. Maer
al-daer ghecomen zijnde / is hy vriendelijck ver-
maent gheweest van sommighe principaelste boz-
ghers dier stadt / die Geus waren / maer nochtans
politick / dat hy al-soo niet en soude hem begheuen
tot het vermoorden van Geligieusen en Priesters/
ghelijck sy van hem verstaē hadden dat hy t'andere
plaetsen hadde ghedaen / maer dat hy deur eenen
tijdt behoorde te simuleren / tot dat hy deur gheheel
Hollandt sijn schaepē beter op't drooghe soude heb-
ben. Anders-lins waer't grootelijcks te vreesen /
dat hy daer deur vele herten van hem soude doen
verbremden. Dese vermaeninghe heeft hem eenigh
achter-dencken aen-gheiaeght. Want al-soo cozts
daer naer twee Minder-broeders van dier plaetse
de Gardiaen ende de Vicarius (die langhen tijde
vande Geusen in't Casteel ghevanghen ghehouden
ende in menigherley manieren benauwt waren
gheweest / by-sonder de Gardiaen) op't stadt-huyse
vur hem waren ghebraght / ende hem moesten te
voete vallen / soo is deur het verbidde van sommi-
ghe bozgheren soo vele vercreghen / als een groot
wel-daedt / dat sy leuende uyt sijnen ooghen zijn
gheraeckt / nochtans niet sonder verschickthepdt
ende perijkel. Want tot de ghene dier deur baden
andtwoorзде hy niet versmaedthepdt ende gram-
scap dij-wert dese woorden: Papen en moniken/
papen

papen en moniken / papen en moniken : als daer mede te kennen gheuende / dat hy al-sulcke persoo- nen niet sien en moghte : ende ouer-sulckis dat hy teghen sijnen danck hen-lieden spaerde / en niet geerne en hoorde dat pemandt veur hen soude spreken . Want hoe dat dul-danigh veur-spreken ende bidden hem mis-haeghde ende teghen sijn herte was / sal blijcken uyt t'ghene dat ick nu sal verhaelen . Als op eenen tijdt een man my wel bekent / Geus ghesint / tot hem was ghecomen om pet te versoeken / heeft hy al-sulcke groetenisse ontfanghen : Wieste ick / seyde hy / dat ghy ghecomen waer't om veur de moniken te bidden / ick soude v selue doen op-hanghen . Maer binnen ter Gouw in't eerste van sijn comste heeft hy hem weder-houden en bedwongen veur het achter-dencken dat hy ghereghen hadde uyt die vermaeninghe hier bouen gheroert . Dese Winder-broeders dan van sijne tegen-wordighepdt wegh-ghelepdt zijnde / ende ghestelt in't huys van eenen Schepene die Catholijck was / als in een vzyer ghevanghenisse / sijn heymelycken van daer verstecken ende wegh-gheholpen / veur het toe-doen van sommighe goede vzienden : ende als sy eenighe daghen daer naer van de sergeanten van Lumme neerstelijck ghesocht wierden om weder-om veur hem ghebraght te worden / en heeft-men-se gheenssins connen ghebinden . Ende veur-seker hadden sy ghevonden gheweest / sy en hadden gheenssins sijn mooydt-daedige handen connen ontcomen . Waerom roys daer naer veur de behendighepdt vande selue vzienden beschickt is / dat sy niet veranderde cleederen veur d'midden vande soldaeten die aende pooyte de wachte hielen uyt-ghegaen / ende veur-spoedelijck aen der Catholijcken sijde geraecht zijn . Want al-soo heeft het Gode belieft dese noch een
luttel

luttel tijds in't leuen te bewaren tot baete ende profijt van sijn heylighe Kercke. Een van dese (de Gardiaen te weten) was P. Antonius Musculus van Gorcom ghebozen/ een sonderlinghe vriendt van P. Nicolaes Dieck/ cleyn van lichaeme/maer groot van Godt-vruchtigheyt/ gheleerdtheyt/ ende wel-sprekentheyt/ ende die gemeynelijck predikte met seer groot ghehoor: soo dat hy dickwils drij oft vier dupsent hoorzers/ oft meer/ heeft ghehadt. Hy is naer-der-handt Gardiaen gheweest tot s' Hertoghen-bosche/ ende daer naer t'Antwerpen. Ten lesten om sijn ghesondtheyt wille gherepft zijnde naer Franck-rijck/ heeft binnen Parijs sijn leuen ten eynde ghebraght.

CAPITTEL XI.

Van twee andere Religieusen, H. Ian Rixtel ende H. Adriaen Weuers, by Lumme ter doot ghebraght.

Mer Lumme desen roof quijt zijnde heeft sijn raesende gramschap by ghevalle ghekeert op twee andere. Vande welke ick verhaelen sal t'ghene dat ick van ghelooft-weerdighe personen hebbe ghehoort. Daer was binnen ter Gouw een huys vande Fratres (gelijck sy elders ghenoeemt worden) van S. Hieronymus: maer werden daer gheheeten Pauliten oft S. Pauwels broeders/ naer den patroon van hunne kercke de welke S. Paulus was: hoe wel het gemeyn volck hen plagh te noemen Collatie-broeders/ ter oorsaecke vande collatie/ dat is het coyt en gemeyn sermoon d'welck sy in hen-liever kercke ghewoon waren te doen op son-daghen ende sommige feest-daghen naer de Wesperen vande hooghe kercke. Dese collatie was gheleghen in
historien